

MAHATHIR - KEJU "" ""
(I)

1984

KENINGAU (SABAH), 20 FEB, (BERNAMA) -- MALAYSIA TIDAK LAMA LAGI AKAN MENGHASILKAN KEJU YANG SESUAI DENGAN SELERA TEMPATAN JIKA IDEA DR. MAHATHIR MOHAMAD TERLAKSANA.

PERDANAMENTERI SEMASA MELAWAT LAOANG TERNAKAN LEMBU KIRA-KIRA LIMA KILOMETER DARI SINIHARI INI MENCADANGKAN SUPAYA LADANG ITU DIJADIKAN PROJEK PRINTIS UNTUK MENGELUARKAN KEJU YANG SESUAI DENGAN SELERA PENDUDUK-PENDUDUK TEMPATAN.

"SEMASA SAYA MELAWAT AMERIKA SYARIKAT BARU-BARU INI, SAYA MENCUBA KEJU MEXICO DAN RASANYA LAZAT MENGANDUNGI CAMPURAN LADA."

"IA SANGGUH ENAK DAN SAYA MENIKMATINYA SETIAP HARI DAN RASANYA TIDAK TERLALU KERAS SEPERTI KEJU IMPORT YANG DIDAPATI DI SINI. MALAH IA LEBIH SESUAI DENGAN SELERA KITA," KATANYA KEPADA ORANG-ORANG KENAMAAN YANG MENGIRINGI BELIAU TERMASUK KETUA MENTERI DATUK HARRIS SALLEH.

DATUK SERI DR MAHATHIR BERKATA BELIAU PERCAYA BAHWA PENYELIDIKAN DAPAT DILAKSANAKAN BAGI MENUKARKAN RASA KEJU TERMASUK JUGA MEMASUKKAN RASA KARI KE DALAM KEJU TEMPATAN. -- LAGI 1340/II

MAHATHIR - KEJU 2 KENINGAU

LADANG TERNAKAN LEMBU SEBERANG SELUAS 480 HEKTAR ITU DIKENDALIKAN OLEH JABATAN VETERINA DAN HAIWAN NEGERI, MENGELUARKAN SUSU SEGAR DAN MENTEGA YANG DIPROSES DAN DIBUNGKUS DI KILANG DI SITU.

TERDAPAT KAWASAN MERUMPUT UNTUK 120 EKOR LEMBU-LEMBU HAS XL KACUKAN 'FRISIAN-SAHIWAL' YANG DIIMPORT DARIPADA NEW ZEALAND.

LADANG TERSEBUT MENGELUARKAN 1,100 LITER SUSU SEHARI DENGAN 9,000 KOTAK DIEDARKAN KE SEKOLAH-SEKOLAH DAN ASRAMA-ASRAMA SETIAP HARI.

KIRA-KIRA 9,000 PELAJAR - 6,600 DARI DAERAH KENINGAU DAN 2,400 LAGI DI DAERAH TENOM MENDAPAT FAEDAH DARIPADA RANCANGAN SUSU SEGAR ITU.

TAHUN INI LADANG TERSEBUT MENGELUARKAN 319,902 LITER SUSU SETIAP HARI. TAHUN LALU PENGELUARANNYA IALAH 203,497 LITER.

LADANG ITU MERWPAKAN SEBUAH PUSAT MEMBEKAL LEMBU-LEMBU KEPADA PARA PETANI DAN PUSAT PENGUMPULAN SWSU KEPADA PARA PETANI DI KENINGAU DAN TENOM.

DI LADANG TERSEBUT TERDAPAT 41 EKOR RUSA YANG DIIMPORT DARI INDONESIA DAN 21 LAGI IALAH RUSA TEMPATAN.

PADA AKHIR LAWATANNYA, DATUK SERI DR MAHATHIR DAN ISTERINYA DIHADIAHKAN DENGAN SEPASANG TANDUK RUSA. -- BERNAMA 1345/II